

Referat Sunnfjord vassområdeutval, 11.02.2015.

Tid: onsdag 11. februar 2015 kl 12.00 – 15.00

Stad: Førde rådhus

Desse møtte:

Jan Arve Midtbø, Flora kommune (politikar)

Anders Espeset, Plan og samfunn, Flora kommune (adm)

Kjell Kr. Carlsen, Askvoll kommune, vara for Frida Melvær (politikar)

Geir Grytøyra, leiar landbrukskontoret for Askvoll og Fjaler kommunar (adm)

Jakob André Sandal, Jølster kommune (politikar)

Jon Helgheim, Jølster kommune (adm)

Janne Ølmheim, Statens vegvesen Region Vest

John Anton Gladsø, Fylkesmannen i Sogn og Fjordane, miljøvernavdelinga

Merete Farstad, Sogn og Fjordane Fylkeskommune

Odd Harry Strømsli, plan- og bygningssjef, Førde kommune (adm)

Berit Holme, arealplanleggar Førde kommune (adm)

Ikkje utvalsmedlem:

Staffan Hjohlman, prosjektleiar for Nordfjord vassområde

INNLEIING

Odd Harry Strømsli helsa velkomen og orienterte om arbeidet i vassområde Sunnfjord siste år. Vassområdet har ikkje hatt prosjektleiar sidan februar 2014, då dåverande prosjektleiar sa opp stillinga. Administrasjonen i vertskommunen, Førde kommune, og Sogn og Fjordane Fylkeskommune har utført dei mest prekære oppgåvene i denne tida, men det er stort behov for ein prosjektleiar for å drifte arbeidet i vassområdet framover.

Odd Harry Strømsli vart vald til møteleiar

Avklaring om kven som er røystefør: Politiske representantar frå kommunane, representantane frå fylkeskommune, fylkesmann og statlege sektorstyresmakter. Totalt på dette møtet var 6 røysteføre.

Merknad til innkallinga: Innkallinga bør sendast til kommunane, ikkje berre dei enkelte medlemane. Kommunane har ansvar for å vidaresende innkallinga til sine medlemar og evt varamedlemar.

SAKER

Sak 1-2015 Organisering , vidareføring av prosjekt og prosjektleiarstilling

Bakgrunn

Gjeldande prosjektplan for Nordfjord vassområde skildrar bakgrunn for prosjektet, mål, organisering, arbeidsoppgåver, økonomi og finansiering, og omfattar perioden 2011 – 2015. Alle kommunar som er med å finansiere vassområdet har slutta seg til prosjektplanen gjennom vedtak i kommunestyre eller formannskap. Prosjektplanen budsjetterer med kostnader med prosjektleiarstilling, møte- og kursutgifter og miljøovervaking / kartlegging, totalt kr 800 000 pr. år. Dette er finansiert av kommunane (deler på 50 %), Fylkeskommunen (25 %) og Fylkesmannen (25 %). Dei to sistnemnde har innvilga midlar for 1 år om gangen.

Førde kommune er vertskommune, og hadde prosjektleiar fram til medio februar 2014. I tida fram til i dag, har aktiviteten vore om lag fråverande. Den siste tida kjøper Sunnfjord vassområde tenester av Nordfjord vassområde med å gjere dei naudsynte oppgåvene. Det er behov for at prosjektet held fram ut 2015, slik gjeldande prosjektplan legg opp til. Det er også behov for vidareføring av prosjektet etter 2015, då tiltaksprogrammet skal følgjast opp med gjennomføring, rapportering, overvaking m.m., og revisjon av plandokument for neste 6-årsbolck. Det er brei oppfatning at ein då bør ha prosjektleiar i 50 %.

Ny ordning

Ein planlegger no å endre på organiseringa, slik at Fylkeskommunen tek over som arbeidsgjevar av prosjektleiar i fast 100 % stilling, som skal dekke både Nordfjord og Sunnfjord. Dette fordi det er vanskeleg å rekruttere/ halde på prosjektleiar i kortvarige engasjement og deltidsstillingar. Andre fordeler er auka tilgjengelegheit, samt at mange oppgåver vil vere rasjonelt å løyse av ein felles prosjektleiar, til dømes informasjon, saksutgreiing til møter i vassområdeutvala og innkjøp av konsulenttenester. Det ville også vere problematisk for ein vertskommune å ta risikoen med fast tilsetjing utan sikkerheit for langsiktig finansiering frå Fylkeskommune og Fylkesmann.

I møte 20.8.14 fatta Sogn og Fjordane vassregionutval slikt vedtak:

«Vassregionutvalet ber vassregionmynda å arbeide fram eit konkret framlegg til ny organisering og finansiering av arbeidet med oppfølging av forvaltningsplan, tiltaksprogram og overvåkingsprogram.»

Fylkesutvalet gjorde slikt vedtak 24.9.14:

- 1. Fylkesutvalet ser behov for å styrke arbeidet med vassforvaltning gjennom å skape meir føreseielege rammer og etablere eit sterkare fagmiljø i arbeidet.*
- 2. Fylkesutvalet sluttar seg til at fylkesrådmannen søker å få etablert eit samarbeid med vassområda Sunnfjord og Nordfjord for å få på plass ein felles prosjektleiar for desse områda, der fylkeskommunen tek arbeidsgjevaransvaret. Det må vere ein føresetnad at stillinga vert finansierast som i dag, ved at stat, fylkeskommune og kommunane i dei to vassområda forpliktar seg til å vidareføre dagens spleiselag.*
- 3. Fylkesutvalet ber fylkesrådmannen gjennomføre tilsvarande samtalar med kommunane i vassområda Indre og Ytre Sogn for å avklare om det er grunnlag for å etablere ei felles stilling også for desse to vassområda. Ei ev. fellesstilling her må byggje på tilsvarande føresetnader som for Nordfjord og Sunnfjord.*

Kontorstad for prosjektleiaren må avklarast i samband med tilsettinga. Gloppen kommune har erklært at dei kan stille kontor til rådighet.

Endringane medfør at prosjektplanen for vassområdet må reviderast og vidareførast i perioden etter 2015, sjå sak 2-2015.

Framlegg til vedtak:

- 1. Sunnfjord vassområdeutval sluttar seg til at Fylkeskommunen tilset prosjektleiar i 100 % fast stilling, felles med Nordfjord vassområde. Tilsetting så snart som råd i 2015. Ordninga føreset at kommunane i fellesskap finansierer 50 % av prosjektkostnadene etter ein fordelingsnøkkel, som omtalt i prosjektplan for 2016 - 2021.*
- 2. Kontorstad for prosjektleiaren vert avtalt mellom Fylkeskommunen, prosjektleiaren og kontorvert (kommune).*

11.02.2015 VASSOMRÅDEUTVALET

Orientering ved Odd Harry Strømsli og Merete Farstad.

J.A. Gladsø / M. Farstad: Fylkesmannen har hittil bidrege med 25 % av prosjektkostnadene, men støtte er ikkje avklara for framtida. Fylkeskommunen tek ansvar for bidrag med inntil 50 %.

J.A. Midtbø hadde oppfatta at prosjektet ville vere avslutta i 2021. **M. Farstad** orienterte om at miljømåla ikkje vil bli oppnådd til den tid, og utsetting i tråd med vassforskrifta.

1-2015 Vedtak

Framlegget vart samrøystes vedteke

Sak 2-2015 Prosjektplan 2016 - 2021

Gjeldande prosjektplan

Gjeldande prosjektplan av 30.5.11 viser organiseringa og finansieringa av Sunnfjord vassområde, samt framdriftsplan og ei oversikt over arbeidet som skal utførast. Planane for framdrift og finansiering strekker seg til og med 2015. Det er såleis behov for ei oppdatering for at prosjektplanen skal vere dekkande for tida frå og med 2016.

Revidert prosjektplan

Innføring av felles prosjektleiar for Nordfjord og Sunnfjord vassområder, med Fylkeskommunen som arbeidsgjevar, (jamfør sak 1-2015) medfør at prosjektplanen for vassområdet må reviderast og vidareførast i perioden etter 2015. I perioden 2016 – 2021 skal forvaltningsplanen og tiltaksprogrammet som no er på høyring settast i verk. Dette inneber mellom anna at status for tiltak skal innhentast og rapportert, og det skal takast prøver for å vurdere om tiltaka har ønskja effekt. I same perioden skal plandokumenta reviderast for neste 6-årsbolck, 2022 – 2027, med involvering av statlege styresmakter, kommunar, fylkeskommune, private verksemdar, organisasjonar og einskildpersonar.

Fylkeskommunen og Nordfjord vassområde sin prosjektleiar har i samarbeid laga framlegg til revidert prosjektplan for Sunnfjord vassområde, tufta på Nordfjord vassområde sin reviderte prosjektplan. Prosjektplanen skal forankrast gjennom politisk vedtak i kvar kommune som er omfatta av finansieringa.

Økonomi

Årleg prosjektkostnad er 800 000 kr. Det er lagt opp til at Fylkeskommunen og Fylkesmannen til saman dekker 50 %, medan kommunane i vassområda dekker resterande 50 % etter ei fordelingsnøkkel, der 1/3 av beløpet vert likt fordelt, 1/3 fordelt etter folketalet og 1/3 fordelt etter landareal, som tidlegare praktisert.

Kommune	Folketal pr. 2014	Landareal km ²	Basis fordeling	Fordeling	Sum pr år
Askvoll	3 011	326,5	14,3%	10,3%	41 241
Fjaler	2 853	416,7	14,3%	11%	44 044
Førde	12 685	586	14,3%	20,9%	83 684
Jølster	3 070	670,9	14,3%	13,5%	54 054
Gaular	2 928	581,9	14,3%	12,6%	50 450
Flora	11 779	692,1	14,3%	21,1%	84 485
Naustdal	2 776	369,8	14,3%	10,5%	42 042
SUM kommunar	39 102	3 643,9	100%	100%	400 000
Fylkeskommune + Fylkesmann					400 000
Totalt 2016					800 000

Tabell 1 - Utkast til prosjektplan 2016 – 2021

Kommune	Basis-fordeling	Areal km ²	Folk 1.1.2011	fordeling	Sum 2011-2014	kostn 2011	kostn 2012	kostn 2013	kostn 2014	kostn 2015
Askvoll	14 %	326,50	3000	10 %	183992	18140	41463	41463	41463	41463
Fjaler	14 %	416,70	2909	11 %	197229	19445	44446	44446	44446	44446
Førde	14 %	586,00	12207	21 %	368694	36350	83086	83086	83086	83086
Jølster	14 %	670,90	3021	14 %	240238	23685	54138	54138	54138	54138
Gaular	14 %	581,90	2798	13 %	222334	21920	50103	50103	50103	50103
Flora	14 %	692,10	11588	21 %	376337	37104	84808	84808	84808	84808
Naustdal	14 %	369,80	2687	10 %	186176	18355	41955	41955	41955	41955
Sum/kontroll	14 %	3643,90	38210	100 %	3550000	175000	400000	400000	400000	400000

Tabell 2 - Prosjektplan 2011 – 2015 (av 30.5.11).

Framlegg til vedtak:

1. Sunnfjord vassområdeutval godkjenner framlegget til revidert prosjektplan.
2. Medlemene frå administrasjonen i kommunane tar initiativ i eiga kommune for politisk behandling med målsetting om å vedta prosjektplanen med finansieringsplan innan mars 2015.

11.02.2015 VASSOMRÅDEUTVALET

Orientering om prosjektplanen ved S Hjøhlmán.

Framlegg til vedtak fekk ingen røyster.

Jølster kommune kom med nytt framlegg om vedtak:

Sunnfjord vassområdeutval godkjenner framlegget til revidert prosjektplan. Referat og prosjektplan vert sendt til kommunane med oppmoding om politisk behandling med målsetting om å vedta prosjektplanen med finansieringsplan snarast og innan utgangen av april 2015.

2-2015 Vedtak

Framlegget frå Jølster vart vedteke samrøystes.

Sak 3-2015 Høyring av regional vassforvaltningsplan og tiltaksprogram

Regional vassforvaltningsplan og tiltaksprogram for 2016 – 2021 vart lagt på høyring 1.10.14, med høyringsfrist 31.3.15. Høyringsdokumenta ligg på www.vannportalen.no (ein vel region Sogn og Fjordane).

Denne høyringa er spesielt viktig på grunn av at høyringsutgåva har store manglar på tiltakssida. For mange vassførekomstar manglar tiltak, mange tiltak manglar kostnader og miljømål er mangelfullt utgreia.

Oversendingsbrevet frå fylkeskommunen , side 2, gir ei god oppsummering av kva ein spesielt ønskjer innspel på:

Fylkesutvalet for Sogn og Fjordane oppmodar høyringsinstansane om å vurdere særskilt:

- *At alle tiltak er grunngjeve ut frå heimelsgrunnlag og realistiske kostnad/ nyttevurderingar.*
- *At prioritering av tiltak har grundig avveging mellom omsyn til både miljøvinst og realisme for gjennomføring.*
- *Framlegg til prioritering av regulerte vassdrag til revisjon og høve til lokal medverknad.*

Vi er avhengige av gode innspel og kunnskap frå nasjonale – og regionale sektorstyresmaktar, kommunar, interesseorganisasjonar, einskilde næringar og innbyggjarane for å lage ein god vassforvaltningsplan. Vi ber difor spesielt og om innspel på:

- *Kjennskap til eksisterande kunnskap som ikkje er lagt til grunn i planen.*
- *Er framlegget til forvaltningsplan og tiltaksprogram tydeleg på kva som er dei viktigaste utfordringar for vassregionen framover?*
- *Miljømål*
 - *Er miljømåla tydelege ?*
 - *Er det tydeleg kva for vassførekomstar som får unntak frå miljømålet om god tilstand innan 2021?*
 - *Er planen realistisk av omsyn til tidspunkt for gjennomføring av tiltak for å nå miljømåla?*
 - *Er det trong for strengare miljømål i særskilte vassførekomstar og/ eller nedbørfelt?*
 - *Er det framlegg til andre miljømål?*
- *Tiltak*
 - *Kva for tiltak, tema og ev. geografiske område bør prioritertast?*

- *Er det framlegg til andre tiltak for å nå miljømåla?*
- *Kostnadsutrekningar og nyttevurderingar av tiltak?*
- *Er det samsvar mellom føreslegne miljømål og tiltak?*
- *Kva for nye eller betre verkemidlar er det bruk for?*
- *Er det konsekvensar i planforslaget som ikkje er kome med?*
- *Er det samsvar med dei føreslegne prioriteringar og øvrige samfunnsformål?*
- *Gir framlegget til plan eit godt grunnlag for prioriteringar for kommunane og sektorstyresmakter?*
- *Er det tydeleg korleis plandokumentet vert brukt vidare i forvaltning av vatnet?*

Ein bør særleg sjå på tiltak der ein er oppført som ansvarleg styresmakt og/ eller tiltakshavar, og spele inn eventuelle rettingar og oppdateringar.

Tiltak, miljømål m.m. finn ein i vedleggstabellar til tiltaksprogrammet. Her står alle vassførekomstar i risiko oppført, med ei linje per påverknad.

Tabellen finst i tre utgåver:

A) PDF-utgåve – her må du bla deg ned gjennom alle vassførekomstar i fylket med risiko for ikkje å oppnå standard miljømål innan 2021.

B) Excel-ark, «Samleark» (fullstendig utgåve, du kan nytte «filterpilane» ved kolonneoverskriftene til å velje kommune, styresmakt, påverknad m.m.).

C) Excel-ark, «pdf.papirtabell» (same innhald som PDF-utgåva, men med «filterpilar» ved kolonneoverskriftene).

Ordforklaring miljømål:

GØT = God økologisk tilstand, dvs. standard miljømål, der ikkje unntak er vedtatt.

GØP = God økologisk potensiale. Betyr at vassførekomsten er utpeikt som sterkt modifisert (Vassforskrifta §5). Miljømål blir sett individuelt for vassførekomstar (til dømes «Fungerande økosystem», «Levedyktig bestand av innlandsaure», osv.).

MSM = Mindre strenge miljømål (Vassforskrifta §10) – Nasjonale føringar tilseier at dette berre gjeld vassdrag som er tørrlagde pga. regulering.

Årstal viser når miljømålet er venta å bli oppnådd. Normalt er dette 2021, men kan vere utsett til 2027 eller 2033 (dvs. utgangen av dei 2 påfølgjande forvaltningsplanperiodane), med heimel i Vassforskrifta §9.

Jølster kommune har handsama og komme med fråsegn til Regional plan for Vassforvaltning. Vedtaket gjort av utval for plan og utvikling 29.10.2014 (sak UPU-096/14).

I Sunnfjord vassområde er det behov for innspel på følgjande i forhold til tiltaksprogrammet:

- Kommunar og NVE bør spele inn tiltak i elvar som er påverka i vesentleg grad av flomverk, forbygging, kanalisering og liknande fysiske endringar. Der det ikkje ligg føre tilstrekkeleg kunnskap om i kva grad økologien er påverka av desse fysiske endringane, er det naturleg å

starte med problemkartlegging som tiltak. Avbøtande tiltak vert då utsett, og også fristen for oppnåing av miljømål må utsettast i medhald av Vassforskrifta §9.

- Virkemiddel og ansvarleg styresmakt for flomverk, forbygging og kanalisering bør avklarast sentralt og kommuniserast til vassregionane.
- NVE bør spele inn tiltak og/ eller tiltakskostnad innanfor sitt ansvarsområde på dei vassførekomstar der dette manglar.
- Fiskeridirektoratet bør spele inn oppdatering av økologisk tilstand, risiko og eventuelle tiltak i høve rømt oppdrettsfisk, samt kostnader for tiltak.
- Mattilsynet bør spele inn oppdatering av økologisk tilstand, risiko og eventuelle tiltak i høve lakselusspreiing frå akvakultur, samt kostnader for tiltak.
- Fylkesmannen i Sogn og Fjordane bør spele inn kostnader for sine tiltak, der dette manglar.

Framlegg til vedtak:

1. Sunnfjord vassområdeutval oppmodar kommunar og statlege styresmakter å kome med høyringsinnspel i følgje saksutgreiinga.

2. Sunnfjord vassområdeutval er samde om følgjande høyringsuttale, som vil bli sendt til Vassregionmynde (Sogn og Fjordane fylkeskommune):

a. Sunnfjord vassområdeutval vil framheva behovet for styrka økonomiske ressursar frå statleg hald for å sikra implementering av direktivet i vassforvaltninga og gjennomføringa av aktuelle tiltak innanfor ulike sektorområder.

b. Sunnfjord vassområdeutval har ikkje merknader til kapitlet «Prioriteringar i vassregionen» i regional forvaltningsplan.

c. Sunnfjord vassområdeutval framhevar behovet for ei avklaring om virkemiddel og ansvarleg styresmakt for flomverk, forbygging og kanalisering av elvar.

d. Sunnfjord vassområdeutval oppmodar kommunane om å spele inn problemkartlegging som tiltak, og be om utsett frist for oppnåing av miljømål til 2027 (Vassforskrifta §9) for aktuelle vassførekomstar i dei ulike kommunane.

11.02.2015 VASSOMRÅDUTVALET

Orientering ved S Hjøhlman og M Farstad. Det vart vist til omtale av støtteordningar til kommunar i forvaltningsplanen, kapittel «Prioriteringar i vassregionen». MILJØMÅL og framlegg til SMVF (sterkt modifiserte vassførekomstar) står i kapittel 4 i forvaltningsplanen. Framlegg til tiltak står i vedlegg til tiltaksprogrammet.

3-2015 Vedtak

Framlegget vart vedteke samrøystes.

Merete Farstad orienterte om ny utgåve av nettverkssida «Vannportalen.no». I ein overgangsperiode får ein tilgang til gamal utgåve ved adressa www2.vannportalen.no. Dette gjeld til dømes eldre kjeldehenvisningar.

S. Hjøhlman tok opp spørsmål om støtte til frivillige lag og organisasjonar for deltaking på møte i temagrupper. Det var avgjort inntil vidare at vassområdeutvalet ikkje betaler ut slik støtte, då dette vil vere ei belastning på kommuneøkonomien. Lag og organisasjonar må sjølve dekke kostnadene ved deltaking for sine representantar.